

Zeitschrift: Neue Wege : Beiträge zu Religion und Sozialismus
Herausgeber: Vereinigung Freundinnen und Freunde der Neuen Wege
Band: 109 (2015)
Heft: 7-8

Artikel: Was isch dini mission, Meitschi?
Autor: Schwarz, Martina
DOI: <https://doi.org/10.5169/seals-632213>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 03.04.2026

ETH-Bibliothek Zürich, E-Periodica, <https://www.e-periodica.ch>

Was isch dini mission, Meitschi?

Was isch dini mission, Meitschi?
S heig einisch e Prophetin gäh im Aute
Israel
Hulda – heig mere gseit
Huldi villech sägti me hie – so wie
Greti, Vreni, Friedi

Hulda auso los itze: tell me now!
Red vom Rych wo chunnt
Erwartet wie Früehlig
Sing mer dis Lied vom Ginster
Wo d Züün niederwalzt
Jensyts vom «urban gardening» –
«urban knitting» – urban everything
Zunge wo einisch nid zouderet
Sondern zornig zünglet
Hulda – tell me now!

Was isch dini mission, Meitschi?

«We are open to gay, lesbian and
transgender»
Lächlet die Schwarzi ir Obama-church –
South Side Chicago – o yeah – praise
the Lord!

D Bärner Chile – haub so gwogt
Bekenntnisfrei syt Napoleons Chnäch-
schaft –
Ömu gäng sövu

Was isch dini mission, Meitschi?

Wär dys Vorbild us Fleisch und Bluet?
Dyni Muetter?
Oder d Maria? Gegrüssest seist du!
Himmusryterin – Mondsichuschueh
Königin voller Gnaden
Prinzessin der Marmeladen
Aues – nume nid Jungfrou

Oder di Vatter im Gloube – wär?
Zwingli Ueli – Calvin chunnt nid vo
Calvados

Reformation und Rächtfertigung
Merci, Mr. Luther
Gly heit Dir Jubiläum!
I de Spüuzügußlaage scho itze Play-
mobilfigure aus:
Luthers Chatz, Luthers Ching, Luthers
Frou, Luthers Bier, Luthers Darm,
Luthers Everything
Wo isch dyni Mission blybe?
Dyni Botschaft vom:
«Du bisch säutsam okay!»

Martina Schwarz
trat mit diesem Text
über die biblische
Prophetin Hulda (2
Kön 22,8-20 und 2
Chr 34,22-28) am
Kirchenklangfest
«Rap & Poetry» am
25. April 2015 in der
Offenen Kirche
Heiliggeist in Bern
auf.

S heig einisch e Prophetin gäh im Aute
Israel
Hulda – ire Name
Huldi villech sägti me hie

Hulda – dy männlech Kolleg Elia
schlachtet
die fausche Prophete am Horeb
Gegrüssest seist du IS!
Mir isch Huldi lieber, Greti, Vreni,
Friedi
Oder Hosea dr anger Prophet
Wo JHWH – Adonaj – ihm seit
Los einisch:
Gott bini und nid Maa

Was isch dini mission, Meitschi?
Froge d Lüt –
Früecher für Wärbezwäcke
Aus Sänftube verchleidet
Hüt vor dr Heiliggeist aus Heiligs
Buech
(Salafiste us em Ruhrgebiet)
D Botschaft vorem Bärtige abzlege
Geit liecht – Inshallah!

Martina Schwarz (39)
ist reformierte Pfar-
lerin in der Berner
Johanneskirchgemein-
de. Sie wohnt mit
ihrer Familie im
Breitenrainquartier.

[martina.schwarz@
refbern.ch](mailto:martina.schwarz@refbern.ch)

Flüchtlingsschiff strande
Im Mare nostrum – i dym u i mym
Meer
Wo mer aus Ching hei badet
Ar Küste vo Rimini
D Muetter im Bikini
Und dr Vatter fluechend am Stüür

Lang scho sueche mer was woehr isch –
verhäbt –
D Botschaft wo treit
Ächt isch wie Ougewasser uf Härzhut
U Schweiss unger dr Achsle
Wo schmöckt wie Heu

Mir gloube und zwyfle wüüd dürenang
Was isch dini mission, Meitschi?

I chas nid säge
Nid eifach bekenne
Was woehr isch entschwindet
Wie ne Wimpereschlag u flüchtigi
Geste am Rand
Isch Müntschi vo alternde Körper
Heicho vo Wörter
Im Muu vo dym Ching

Doch kes Hoor am Morge
Fall unzellt a Bode
Wüüs Öpperen gäb wos suech

U ke Chisu singt grundlos am Grund
vo dr Aare
Gläsig sys Lied vo dr Zyt

Was isch dini mission, Meitschi?